

Dazu er diser Stätt ein Theyl
Zu ihrem Nutz/Wohlfahrt vnd Heyl/
Befestigt/vnd durch bitt geflissen
In Grundt gelegt/schön abgerissen.
Vor andern doch in sonderheit
War er zu dienen ganz bereit
Straßburg sein lieben Vatterlandt/
Das er mit Gebäwen allerhandt
An Wählen/Vollwerck/Streichen/Porten/
Verbessern halff an manchen orten.
Endlich damit er offenbar
Sein redlich Herz entdecket gar/
Vnd völlig sein vertrautes Pfundt
Anlegen möcht/mit gutem Grundt/
Auch den Nachkommenen dienstlich sein/
Hat er dis Buch geordnet sein/
Darinn er lehrt zu gutem endt
Aus rechtem Grundt/vnd Fundament/
Wie wider des Erbfeindes trawen
Standthafftige Vöste seindt zubawen/
Beydes auff Bergen vnd im Thal/
An Wassern vnd sonst oberal/
Auch wie sie zu erhalten seyen/
Vnd von des Feindes gewalt zu freyen.
Darumb man billich lob vnd preis/
Ihm soll nachsagen bester weis/
Auch Gott dancken vmb solche Gaben/
Dern wir vns wol zubrauchen haben/
Des Feindes Gewalt damit zuwehren/
Zu vnserm Nutz/vnd Gottes ehren.
Der geb vns frid vnd einigkeit
Hie vnd dort in all ewigkeit.
A M E N.

Josephus Langius Casare-
montanus. P. L.